

COVID-19 khamnak sii – Rianngaitu pawl le rian hmete a tuanmi caah rian he aa pehtlaimi ngandamnak le himnak le thawngthan

Siichunhnak le WHS tuanvo pawl

Rian he aa pehtlaimi Ngandamnak le Himnak upadi pawl tangah, na riantuantu pawl, nangmah le rianhmun i a ummi a dang pawl i himnak kha a si khawh chungin na umter hrimhrim lai. Riantuannak hmun ah riantuantu pawl nih COVID-19 sin i iphorzarnak tihnung cu tling khitkhet in umlo ding cun na tuah kho men lai lo. Sihmanhsehlaw, hi tihunnak cu a tlawm khawh chung tlawm dingin na tuah khawhmi dihlak na tuah hrimhrim lai.

Rian hmun ah tihunnak pawl zorter dingah:

- tihnungmi zohfelnak na tuah hrimhrim lai
- Takpum ihlatnak, thianghlim tein umnak le punghmaan tein thianhnak telhchih in, i khenkhamnak pawl le tihunnak pawl zeitindah an itawlrel lai timi na tuaktaan hrimhrim lai – khamnak sii chunh khawh a ummi pakhat khat zong
- khamnak sii chunhmi telhchih in, COVID-19 kong le irunvennak kong cu riantuantu pawl le ngandamnak le himnak lei aiawhtu pawl (HSRs) he iceihmainak ngei hrimhrim uh
- nan riantuannak hmun ah hman awk a tha i hman khawh a simi irunvennak pawl zeidah a si ti kha biakhiahnak na tuah hrimhrim

Rian he aa pehtlaimi ngandamnak le himnak ka tuanvo pawl tlinh dingah zawt khenkhamnak pakhat bantukin in sii ichunh hrimhrim ka herh maw?

Rian he aa pehtlaimi ngandamnak le himnak upadi pawl tangah sii ichunh a herh hrimhrim tinak cu a si lem lai lo.

Na riantuantu pawl sii an ichunh a hau le hau lo cu nan tihunnak lei zohfelnak na tuahmi caan i thilsining cungah aa hngat lai. Na riantuan pawl nih sii an ichunh a hau ko tiah na ruah ahcun ruahnak cheuhnak ilak law rianhmun lei ipehtlaihnik, thleidannak le pumpak zalonnak lei thil sining pawl kong kha ruat.

Sehzung cheukhat asilole riantuantu pawl kha [zapi ngandamnak lei nih nawlchuahmi pawl](#) nih sii ichunh dingin a fialmi an um kho men. Na nganmnak lei riantuan piaknak i ruahnak cheuhnak he a hnuvik thawngpaang theih bu tein um.

Ka riantuannak hmun luh hlan ah ka thilcawtu pawl kha sii an ichunh cangnak tehte hmuhsak dingah ka fial kho hna lai maw?

Rian he aa pehtlaimi ngandamnak le himna upadi pawl nih thilcawtu pawl le mileengkai pawl kha sii an ichunhnak tehte hmuhsak dingin cun an fial men lai lo. Hi bantuk a herhmi na tuah taktak hlan ah, ruahnak cheuhnak kawl hmasat, aruang cu pumpak zalonnak le thleidannak kongkau thilcang pawl an um kho men.

A dang riantuantu sii aa chunh lo ruangah, ka riantuantu pawl nih rian tuan lo dingin an el kho maw?

WHS upadi pawl tangah, tihnung ah khulrang in iphozarnak asilole tihnung si cuahmahnak in ngandamnak le himnak caah ah tihnung a si tiin tuaktaan piaknakmi a si ahcun riantuantu pakhat nih a rian in aa din kho asilole pehzulh in tuan dingah a el khawh.

Thil sining a tam-u ah, a dang riantuan sii aa chunh lo ruangah rian in idinh dingah rian he aa pehtlaimi ngandamnak le himnak upadi pawl kha riantuantu pakhat nih aa bochan kho lo.

Ka riantuantu pawl kha sii chunhter lo in ka um i minung pakhat nih COVID-19 in a zawt ahcun, rian he aa pehtlaihmi ngandamnak le himnak upadi pawl tangah tuanvo ngei ka si lai maw?

Rian he aa pehtlaihmi ngandamnak le himnak upadi pawl khan a buar a si men lai lo, aruang cu nangmah nih na riantuantu pawl kha sii chunhter a herh lo.

Riantuantu pawl kha sii an ichunh zongah, takpum ihlatnak, thianghlim tein umnak le punghmaan tein thianhlimnak le zohkhenhnak tibantuk kha na riantuannak hmun ah tuah dingmi irunvennak pawl vialte kha pehzulh in na tuah hrimhrim lai.

Thawngthanhmi tamdeuh

- [Ngandamnak le sii ichunhnak kong thawngthanh- Ngandamnak Phuthen \(Department of Health\)](#)
- [Rian he aa pehtlaihmi ngandamnak le himnak – A himmi Rian Australia](#)
- [Rianhmun lei covo pawl – Ningcang tein Riantuannak lei Zohfeltu](#)